

040_ البيوع المنهي عنها و حكم بيع المراهبة و التقسيط _ شرح كتاب الفقه الميسر (_ م / علاء حامد

علاء حامد

الحمد لله واشهد ان لا اله الا الله وحده لا شريك له واشهد ان محمدا عبده ورسوله صلى الله عليه وسلم فهذا هو الدرس الساني من

مدرسة كتاب البيوع من كتاب الفقه الميسر - 00:00:00

كده اتكلمنا عن ما هو البيع ما هي شروط البيع؟ واتكلمنا عن مسألة الخيار في البيع سواء خيار المجلس وخيار الشرط خيار العين وخيار الغبن وخيار الايه؟ تدليس. كلمنا في الانواع دي من الايه؟ من الخيام. ووقفنا عند المسألة السادسة - 00:00:20 وسهلا. السادسة وهي البيوع المنهي عنها. ينهى الشارع الحكيم عن بعض البيوع اذا ترتب عليها تضييع. لما هو اهم كان تشغل عن اداء عبادة واجبة. او يترتب عليها ادراك بالآخرين. يعني كانه هنا بيعل اه العلة الجامعة لكل ما سيأتي من الايه من انواع البيوت -

00:00:40

في ان هي اما فيها اضراب بالآخرين. او انها تسبب تضييع ما هو اهم. تضييع ما هو اهم زي البيع في المسجد والبيع بعد اذان الجمعة. وبالنسبة للاضرار بالآخرين زي البيع المسلم على بيع اخيه واه - 00:01:10

وآآ والشراء على شراء اخيه. وآآ هنوعي كثير من البيوع تيجي بعد كده تجد العلة الجامعة فيها الضرر. او احتمال ضرر لا يلزم ان يكون فيه ضرر اكيد مجرد هناك احتمال للضرر فدوت يعني يجعل الشارع يمنع الايه؟ يمنع - 00:01:30 دوت هتجد في البيوع في ايه؟ في كده آآ في حكمة كده ماشية معك على طول وهي منع فساد ذات البين بين المسلمين. تجد دي دي حاجة ماشية معك على طول. اي حاجة ممكن تفسد ما بين المسلمين. تورث البغضاء الشحاء. تورث الخلاف - 00:01:50 اذا الابواب اليها سدت تماما. كما سيأتي يعني. وهيجي بقى حاجات ممكن تقول طب ليه ايه المانع؟ هتجد ان العلة ان قد تؤدي الى الخلاف بين البيع والمشتري. والشرع حريص على سد كل ما يؤدي الى فساد ذات البين بين المسلمين. فباب المعاملات هو من -

00:02:10

الابواب التي تدلك على رقي هذه الشريعة. رقي هذه الشريعة. لانها يعني لا تفرق بين المعاملة المادية وبين الحالة الايمانية. انما المؤمنون اخوة فاصلحوا ايه؟ بين اخويكم. فتشعر ان ليه؟ ان الايمان والرابطة الايمانية مؤثرة - 00:02:30 على الاحكام الشرعية. لا يبيع المسلم على بيع اخيه. ولا يعني يشتري على شرائه ولا يسوم على صومه ولا يخطب على خطبته فده بي شعرك يعني بايه؟ بان له لا لا يوجد انفصال بين بين العقيدة وبين الايه؟ المعاملة - 00:02:50

عقيدة تؤثر على المعاملة. والايمان يؤثر على المعاملة. وتشعر ان هذا الدين وحدة واحدة متكاتف. لا يوجد انفصام نكد كما يفعل بعض الناس بين عقيدته والتزامه في المسجد وبين معاملاته بين الناس وبيع وشراء. لأ هذه وحدة واحدة لا تنفصل - 00:03:10 عشان كده بيقول لنا النوع الاول من البيوع اللي هو ايه؟ علته تضييع اداء العبادة الواجبة او ما هو اهم من العبادات الواجبة. فيقول لنا اول حاجة البيع والشراء بعد الاذان الثاني يوم الجمعة. وهنا يفترض ان في اذان اول لان سيدنا عثمان كان يؤذن - 00:03:30

الاذان الاول والاذان الاول دوت ليس هو اذان الصلاة. انما كان هو اذان المقصود به تنبيه الغافل ان صلاة الجمعة اقتربت فاذا باع الانسان واشترى بعد الاذان الاول يصح ولا بأس البيع والشراء ولا يحرم. انما الاذان الثاني بقى اللي هو اذان الصلاة فعلا اللي هو

خلاص الايه - 00:03:50

الخطيب طالع على المنبر وبنأزن وهتبتدي الاليه؟ هيبدا نودي للصلاة من يوم الجمعة فاسعوا الى ذكر الله. فالازان اللي بعده ذكر لله
اللي هي الخطبة يعني هو ده الميزان اللي يحرم. آآ بعده البيع والشراء. اما الازان الاول فلا يحرم. لكن لو ما فيش ازان اول وهو ازان
واحد خلاص. يبقى هو الازان الاول هو الازان الثاني - [00:04:10](#)

ما فيش بقى ايه او ما فيش ازان ثاني بمعنى اصح. فالخلاصة هو الازان اللي بعده سيبدأ ذكر الله. اللي هو ستبدأ به الخطبة. قال لا
يصح البيع ولا الشراء. لكن هنا عمل ضابط قال ممن تلزمه الجمعة. لان اصلا مين المخاطب بالنداء ده او مين - [00:04:30](#)
ان ده ده بينادي على مين؟ بينادي على من تلزمه الجمعة. مين اللي تلزمه الجمعة؟ الذكر. آآ الحر. آآ القادر يعني ايه هتبقى ايه في
شروط كده ان هو يكون ذكر يكون حر مش عبد لان العبد لا تلزمه صلاة الجماعة. آآ العبد القادر - [00:04:50](#)

غير المريض العاجز عن الاتيان المسجد ادي الاشياء هو ده المخطط لصلاة الجمعة. لذلـك لو لو اتنين ستات باعوا واشتروا بعد ازان
الجمعة الساني ما فيهوش اي مشكلة. واخذ بالك؟ لو آآ اتنين عاجزين مسلا مش قادرين يروحوا المسجد عندهم عجز. غير مخاطبين
اصلا - [00:05:10](#)

صلاة الجمعة على الجماعة. باع واشترى مسلا في بيت ماجن وهم قاعدين لا بأس ان هي اصلا مش ما تلزموش صلاة الجمعة. لكن
المشكلة في من تلزمه الجمعة. بيقول بعد الازان الاليه؟ الثاني لقوله تعالى يا ايها الذين امنوا اذا نودي للصلاة من يوم الجمعة فاسعوا
الى ذكر الله وذروا - [00:05:30](#)

البيع. فقد نهى الله تعالى عن البيع في هذا الوقت والنهي يقتضي التحريم وعدم صحة البيع. مسألة عدم صحة فيها خلاف بين اهل
العلم. البعض قال طالما البيع منهى عنه يبقى على طول ايه؟ لا يصح. البعض قال البيع منهى عنه لكن يصح - [00:05:50](#)
يأثم الفاعل لكن البيع يصح. لكن هنا بيقول لنا النهي يقضي التحريم وعدم صحتي للبيع. ففي مذهب ما فرقش بين ما فرقش عملها
مسألة واحدة. اللي هي ايه؟ ان البيع حرام. اذا البيع ايه - [00:06:10](#)

لا يصح. وفي مذهب ثانية قالت البيع حرام لكن يصح ان هو استوفى شروط البيع. البيع تمام والتراضي والكلام دوت لكن البيع نفسه
صح لكن يحرم الاليه؟ الفعل نفسه يحرم. تفرق في ايه المسألة؟ لو صح البيع يبقى المبيع ده - [00:06:30](#)
بقي ملك للي اشتراه خلاص. وانفصل عن ملكي ليه؟ البائع. اما لو قلنا البيع لا يصح. يبقى المبيع ده لم تنتقل ملكيته للي اشتراه. بل
يجب عليه ان هو ايه؟ يرده للبائع ويعمله عقد ايه؟ جديد اذا اراد ان هو يشتري الحاجة ديت - [00:06:50](#)

يبقى هو كده كأنه سلفه بس. يبقى هو ما اشتراهوش ولا حاجة. ولا يصح له انه يتصرف فيه. لازم يرجعه ثاني. لو قلنا بعدم صحة
الاليه ده الفرق في مسألة صحة البيع من عدم صحة البيع. اللي هيصحح البيع يقول خلاص البيع مضى وخلاصه. وده والحاجة بقت
بتاعتك. بس اللي حصل - [00:07:10](#)

ده حرام. الفريق الثاني يقول لأ حرام والبيع ما يصحش. لازم يرجع ليه؟ المبيع ده ثاني للبيع. طبعا من فيها برضه المحرمة للبيع داخل
المسجد. داخل المسجد. النبي عليه الصلاة والسلام قال اذا رأيتم من يبيع او يبتاع في - [00:07:30](#)
مسجد فقولوا لا اربح الله تجارتك. ولا اربح الله تجارتك. اذا رأيتم من يبيع او يبتاع في المسجد فقولوا له يعني لا اربح الله
تجارتك. فيحرم البيع والشراء داخل المسجد - [00:07:50](#)

داخل المسجد. بعض العلماء استدلوا بقول ايه؟ ما هو قال له قولوا له ايه؟ لا اربح الله تجارتك. يعني يا رب يا رب ما ما تكسب
استدلوا على بذلك على ان البيع صح لان هم هنا بيقولوا له يا رب ما تكسب فده لذلـك ان - [00:08:10](#)
لقى نفسه ايه؟ صح لو البيع ما صحش كانوا قالوا له بيعك باطل خلاص لكن هم دعوا عليه ان هو ما يربحش يعني ربنا ما يبارك لكش
في البيعة يعني - [00:08:30](#)

فدل لذلـك ان البيعة نفسها ايه؟ صحت. وده يقوي المذهب اللي بيقوله ان البيعة حرام لكن ايه؟ هيصح. لان هو هنا قول لاربح الله
تجارتك. زي ما قلنا هو دعاء لي ان ربنا ما يباركلكش في البيعة. فده دليل ان البيعة ايه؟ تمت. وصحت - [00:08:40](#)
بس هي المشكلة بس ان هو ربنا يبارك لك او ما يباركلكش. فبيقولوا ان البيع في المسجد اذا تم يصح لكن اللي بيفعل زي يأثم ولا

يبارك له في هذه البيعة يعني. بعد كده بيقول لنا بيع الاشياء لمن يستعين بها - 00:09:00

على معصية الله تعالى. او يستخدمها في المحرمات فلا يصح بيع العصير لمن يتخذه خمرًا. ولا اواني لمن يشرب بها الخمر ولا بيع السلاح في وقت الفتنة بين المسلمين. قال تعالى وتعاونوا على البر والتقوى - 00:09:20

ولا تعاونوا على الاثم والعدوان. ولا تعاونوا على الاثم والعدوان فهنا بيقول يحرم بيع الاشياء لمن يستعين بها على معصية الله تعالى. فضرر مسألة على كده انسان يبيع عصير لمن يتخذه خمرًا. طبعًا ده يشترط ان الباع يكون متأكد. ان اللي هيبيع له دوت

هيستعملها في صناعة - 00:09:40

الخمر. اما اذا كان مجرد يعني شك لم يبلغ غلبة زن حتى. فهو مش ملزم بذلك يعني. هو مش عارف هو اللي ممكن ممكن احتمال ضعيف. فيعني ما يلزمش الا لازم يكون غلبة زن. غلبة زن يعني هو يغلب على زنه ان اللي قدامه ده هيستعملها في الايه؟ في -

00:10:10

معصية. وان الاوان لمن يشرب بها الخمر نفس الفكرة. ولا باع السلاح في وقت الفتنة. مش محتاجة يسأل اصلاً. لان وقت فتنة بين لمين يعني زي الفتنة مسلاً اللي حصلت بين المسلمين من الصحابة في زمان علي رضي الله عنه كان يعني ايه كان في مقتلة يعني وكان خلاص الناس حصل ايه يعني - 00:10:30

العقول وصار لا يدري القاتل فيما قتل ولا المقتول فيما قتل ففي الحالة دي يحرم بيع الايه؟ يحرم بيع السلاح لحقن دماء المسلمين المسلمين في الوقت دوت. طبعًا يدخل في ذلك اه كل بقى ما ما يتصور انه ان المشتري قد يستعمله في معصية الله - 00:10:50
مسلاً زي الملابس التي تتبرج بها النساء مسلاً. هذه الملابس ملابس التبرج مسلاً آآ الملابس الضيقة مسلاً او كده يصح بيعها لبعض النساء ولا يصح بيعها لبعض الآخر. يعني لو واحدة آآ باينة على منزلها ان هي مش متبرجة يعني واحدة لابسة خمار واحدة لابسة -

00:11:10

سنقاب واحدة مش بتحط ميك اب ولا زينة يعني باين عليها ان هي ما بتلبسش فجت مسلاً تشتري بنطلون ضيق مسلاً. يجوز البيع لها لان الغالب الزن ان دي مش - 00:11:30

استعمله الا مع قدام جوزها في بيتها كده يعني. اكيد مش باين عليها ان هي بتلبس. لكن هي واحدة اصلاً لابسة كده. فجاية تشتري منك حاجة زي كده. لا صح انك ايه تباع الملابس دي لان انت متأكد باين عليها ان هي هتستعمله في الايه؟ في التبرج. فالملابس بالنسبة للايه؟ للنساء او او حتى - 00:11:40

او حتى وسائل الزينة وسائل الزينة حسب الحال. لو كانت اللي قدامك مسلاً باين عليها ان هي متبرجة اصلاً بتحط الزينة ديت قدامك اصلاً بتشتري وهي حالها كده فلا يجوز بيع آآ مستحضرات التجميل لها. ان انت متأكد ان هي - 00:12:00

بتعمله في الايه؟ في المعصية. لكن جات لك واحدة ملتزمة واحدة بحجاب يعني مش حاطة اصلاً حاجة خالص ولا او بخمار او بنقاب وباين عليها مش حاطة اصلاً حاجة خالص - 00:12:20

في غالب الزن دي هتستعمله قدام النساء او قدام جوزها او قدام محارمها مسلاً فدي يجوز الايه؟ البيع لها. فهي مسألة مهمة جداً يا اخوانا ان بعض الناس بيتسائل تماماً في المواضيع ديت. وطبعًا اللي يبيع بقى حاجة زي كده حينال ونصيب من الايه؟ من الاثم.

يقول لك ما لبش دعوة بقى هي تلبسها فين؟ بس انت باين - 00:12:30

باين قدامك هتلبسها فين يعني؟ اذا كان هي لابسة كده قدامك حاطة الميكاب قدامك. فازاي تباع لها ما تستعين به على الايه؟ على الامر دوت. فدي ده طبعًا ايه؟ طبعًا ده ايه؟ لا يجوز. لا يجوز. خد بالك؟ يعني عموماً اي شيء يباع آآ واحد جاي - 00:12:50

سكينة وانت عارف ان دوت مسلاً بلطجي وهياخدها منك هيروح يقتل بها. انت متأكد من كده. ما تباعلوش حتى لو سكينة مطبخ. ما تباعلوش. واخذ بالك كذلك بقى نفس الاحكام ديت مسلاً انت عارف واحد فاسد مسلاً فاسق هياخد منك التلفزيون هيروح يتفرج بيه على افلام اباحية او كده او نحو ذلك متبيعلوش - 00:13:10

اصل ده يشترط ان انت تبقى ايه متأكد يعني. او غالب على زنك كده. اما الشخص المستور الحال ببسموه مستور الحال اللي هو باين

مش باين عليه حاجة يعني. شكله - 00:13:30

راجل طيب وخلص ما اعرفش هو خير ولا شر. فضلا ان انت تكون متأكد ان الشخص اللي قدامك ده ايه شخص كويس. ده يجوز

البيع له لا بأس. تمام؟ فادي - 00:13:40

امور مهمة جدا ذات بيع ما يستعان به على معصية الله تعالى. ان الامور ديت يعني شاعت وعمت وطمت والناس بتقول لك ايه؟ العلة

عنده يقول لك انا ما لي - 00:13:50

مش شغلتي. لأ انت متأكد او انت عارف او انت غالب على زك ان ده هيحصل. تمام؟ يبقى ديت نمرة اتنين. نمرة ثلاثة فريق البيع

المسلم على بيع اخيه. مثال ان يقول لمن اشترى شيئا بعشرة انا ابيعك مثله - 00:14:00

ارخص منه. او ابيعك احسن منه بنفس الثمن. لحديث ابن عمر رضي الله عنهما قال عليه الصلاة والسلام ولا بيع بعضكم على بيع لا

يخطب الرجل على خطبة اخيه ولا بيع بعضكم على بيع بعض. يعني ايه بيع على بيعه؟ يعني انا ببيع دلوقتي - 00:14:20

يبقى انت انت جاي تشتري مني وانا بعت لك خلاص. والله دي بكام يا عم؟ دي بعد شهر. خلاص اتفقنا. وقبل ما تطلع انت من المحل

او قبل اما تمشي من قدامي واحد دخل قال لك بص اجاهالك انا بتسعة. ابيعها لك انا ايه؟ بتسعة. فرحت انت رجعتها للاولاني

وخدتها مني ايه - 00:14:40

خدتها مني بتسعة هذا يحرم ان البيع تم خلاص. طبعا هتقول لي طب ما هي البيع تم البيع تم خلاص ما هو كده كده او البائع ممكن ما

يرجعش ليه؟ السلعة. ما هو ده ممكن يحصل في مجلس الاليه؟ في مجلس البيع. ولسه - 00:15:00

لسه المشتري عنده خيار الاليه؟ بيسموه خيار الاليه؟ خيار المجلس. احنا لسه قاعدين مع بعض انا لسه في المحل. لسه قاعد قدامك ما

مشتش فجة واحد وانا واقف قال لي ابيع لك دي بتسعة فانا لسة قدامي خيار ليه؟ خيار المجلس ممكن ارجعها له وهو ملزم ايه؟

ملزم يرجعها. طبعا دوت - 00:15:20

يعني لان هو انا لو مشيت اصلا ورجعت له ممكن يقول لي ما حر مش عايز ارجعك. بس برضو فيها حد طب طب لو مسلا لو واحد

مشي خلاص مشي. تقول لي طب ما خلاص كده امان كده ما فيش ما فيش ايه؟ ما فيش احتمال ان هو يرجعها فممكن واحد يبيعها

على بيعه برضو. يقول له يا عم انا هابيعها لك انا بتسعة ويقعد يبقى في سويسرا - 00:15:40

مادية تؤدي لفساد ذات البين. ما هو هيرجع للمحل هيتخايق معه. يقول له انت ضحكت علي بعها لي بعشرة. طب ما هو السوق اصلا

تسعة وعشرة دي بسيطة في السوق يعني مش ايه - 00:16:00

ما ضحكتش عليك زي ما قلنا المرة اللي فاتت. فيه كده مساحة من الزيادة والنقصان بيحتملها السوق. انا انا شاطر عرفت ابيعها لك

بعشرة. ايه؟ فيه واحد في ممكن بقى لك تسعة في حداثر دي دي كل دي امور ما ضحكتش عليك هي السوق بيمشي كده يعني.

فممكن يرجع يتخايق معي يقول له انت ضحكت علي انا لقيتها بتسعة. وفيه واحد قال لي بتسعة - 00:16:10

يبقى اللي عمل الفعل ده هو اللي افسد ايه؟ افسد ذات البين. خلي الراجل ده ما يروحش المحل ده ثاني. ويؤدي الى ازية المحل دوت

وسمعتة بقى يقول لك ده بيبيع غلا. هو السوق كده - 00:16:30

انت لو كنت رحت للي بيقول لك دوت قبل ما تروح لده كان عيالك بعشرة برضه. بس هو لما لقاك اشتريتها بعشرة عايز يضرب فقال

لك ايه؟ قال لك تسعة. فلا يجوز - 00:16:40

طالما الشخص باع ما يجيش واحد يقول له انا ابيعها لك رح رجعها وانا ابيعها لك بايه؟ بكزا. هذا يحرم. يحرم الاليه؟ يحرم الفعل

دوت بيقول نفس الكلام الشراء على الشراء. مثاله ان يقول لمن باع شيئا افسخ البيع وانا اشتريه منك باكثر. انا دلوقتي بعت العكس

ده - 00:16:50

انا بعت حاجة لواحد بعته له بعشرة. فجة واحد قال لي لا يا عم انا اشتريها منك بحداشر. رحت لها قلت له يا عم خدها ثاني خد انت

ايه بحداشر هذا حرام. هذا ايه - 00:17:10

حرام. دول بعد ان اتفق البيع والمشتري على الثمن. وهذه الصورة داخلة في النهي الوارد في الحديث السابق. ليه بيقول داخلة؟ ان

كلمة بين اه قلنا قبل كده في اللغة تأتي بمعنى البيع والشراء. فلما يقول النبي عليه الصلاة والسلام لا يدع احدكم لا يدع بعضكم على بيع بعض - 00:17:20

معناها برضو لا يشتري بعضكم على على شراء بعض. لان كلمة البيع في اللغة تأتي بمعنى البيع والايه؟ والشراء هنا ما زكرش مسألة آآ اخيرة. وهي السوم على السوم. في نفس الحديث ده في رواية ولا يسوم على - 00:17:40
صوم اخيه بالسين ولا يسوم على السوم يعني ايه السوم؟ الفصال يعني المساومة يعني المفاضل ايه الكلام ده بقى؟ طب ما دي بقى انت بتقول لي بتعمل ايه؟ شراء ماشي. كمان ما ما خشش في فصال طب ما هي كده ما هو الناس بتفاضل انا اخش اقول انا ارمي بياضي زي ما بيقولوا وده بيرمي وانا ايه ونقضي - 00:18:00

المشتري بقى يختار. كده كده احنا لسه لا مش مزاد او مش مزاد. هو انا دلوقتي واحد الصورة ايه؟ وواحد دلوقتي قدامه بايع بيفاضل معه. قال له بكام قال له باربعناشر قال له انا عايزها ايه؟ عايزها بعشرة قال له طب بتاع فجة واحد في اللحزة دي قال له تعال انا ادبها لك بعشرة. ينفع يجي ولا ما يجيش؟ هنا المسألة خد بالك - 00:18:20
لان اصلا هي البيوع كده. البيوع ان فيه فصال. يعني ايه بقى ولا يصوم على صوم اخيه؟ العلماء حملوه على ايه؟ العلماء حملوه على ايه عملوها على ان البائع والمشتري زهر عليهم التراجع. يعني الفصال قرب ايه - 00:18:40
يخلص. مش في اوله لسة. ركز. ايه هو الحرام في الحتة دي؟ حرام ان انت تخش وقد زرت على البيع والمشتري التراضي بس لسه ما اتفقوش يعني. بس بيخلصوا خلاص. يعني هم بقى لهم مدة بيفاضلوا وقربت المسافات كده زي ما بيقولوا - 00:19:00
بالبلدي وخلاص ايه ظهر عليهم الايه التراضي. قال له طب خلاص كده قربت تمام طب ما تنزل كده حاجة بسيطة خلاص ايه النصر يعني ما ينفعش تخش في اللحزة دي. لكن لو لسة في الاول لسة بيقول الاربعناشر لا ما ينفعش معنا انا عايز العشرة ينفع في اللحزة دي تقول له تعال انا عندي بعشرة - 00:19:20

دي ما فيهاش مشكلة. لكن ما معنى لا يصوم على صوم اخيه؟ اذا ظهر الرضا على البائع والمشتري. بدأ الاثنين او الشكوى على الاتفاق. هنا ما تخشش بقى. سبها بقى. سبها. واخذ بالك. لكن لو حسيت ان البائع والمشتري لسه في مرحلة عدم - 00:19:40
ده راضي باللي بيقوله ده ولا ده راضي باللي بيقوله ده خلاص حقت تخش ما فيش رضا اصلا. ولسه مش باين عليهم حاجة من حالك في الحالة دي تسحب الزبون تقول له تعال ايه - 00:20:00
انا عندي ارخص تعال دي ما فيهاش مشكلة. هنا دي مش داخلة في الايه؟ في السوم على السوم. لكن السوم على السوم عندما يصل يبدو على البيع والمشتري لايه؟ التراضي. خلاص. هم - 00:20:10

لسه ما اتقلوش تمام ما تعاقدوش. بس خلاص باين عليهم ان هم ايه تراضوا على السعر دوت. من هنا ما تخشش بقى. تمام؟ وبالتالي ان السنة يا اخوانا ان واحد ما يفسدش البيع والشراء. دي السنة. يعني ايه بمعنى ايه؟ انا دلوقتي شايف واحد بيعشترى من واحد البياع شاطر - 00:20:20

شاطر. فعرف يعني يكسب منه حنة كده. يعني هي الحاجة الاتناشر وفيه واحد بياع شاطر بيععرف ببيعها بتلتاشر. فانا واقف قدام واحد فالبياع قدر يقنعه بكام؟ تلتاشر. ما تتكلمش. حتى لو انت عارف ان هي برة بكام؟ باتناشر. هي السوق - 00:20:40
كده يا جماعة. السوق بيمشي كده. فلا تفسد على الناس ايه؟ بيعهم ولا شراؤهم. ما تعملش ايه؟ في بعض الناس بيفتكر ان ديت من من يعني ان انا انصح - 00:21:00

قل له لا ما تشيش تعال فيه واحد بره الاتناشر طب ليه؟ يعني هي الدنيا ماشية كده. يعني ابو اتناشر ده لو كان لو شاطر كان هيباع برضو بايه؟ بتلتاشر - 00:21:10

النبي عليه الصلاة والسلام بيقول بيقول معنى جميل. بيقول دعوا الناس دعوا الناس. يصيب بعضهم من بعض اذا استنصحك اخوك فانصحك. يعني ايه الكلام ده؟ بيقول طالما الدنيا ماشية ما تتدخلش. سبها ماشية. طالما ما فيش خداع. يعني هو ما بيخدعوش -

00:21:20

ما فيش غبن ما فيش تدليس ما فيش عيب آآ مش باين. هي ماشية كده هي ماشية بكده. هو البياع شاطر وبتاع والدنيا خلاص سيب. دعوا الناس يوصف بعضهم من بعض. امتى بقى تتدخل اذا استنصحك اخوك فانصحه. هو اللي سألک. قال لك ايه رأيك؟ اخدها؟ هنا تقول له لا - 00:21:40

قلت له والله انا في مرة واحد ايه بيبيع حاجة احسن من كده واقل من كده. لا ده في برة سعر احسن. لو هو اللي ايه؟ سألک. طالما ما سألكش - 00:22:00

سيب الناس تبیع وتشتري. سيب الناس تاكل عيش زي ما بيقول لك. ده بياكل عيش. ده بياكل عشان ربنا مقدر لكل واحد ايه؟ رزقه. فسبه. سبها بزروفا. ايه؟ ايوا المعقول ده قدام البياع وهو قاعد دلوقتي زميلك بيقول لك ايه رأيك؟ لو قال لك ايه رأيك هنا ساعتها قل رأيك بقى بصراحة. لكن لو هي ليه البيعة ماشية - 00:22:10

خلاص هم متراضيين وانت مش شايف فيه خداع ولا حاجة هي مسألة ايه شطارة خلاص سبها ما تتكلمش خلي الناس دي زي ما بيقولوا تاكل عيش بعد كده بيقول لنا بيع العينة ايه بايع العينة ده بقى؟ صورته ان يبيع شخص سلعة لآخر. بضمن معلوم الى اجل ثم يشتريها - 00:22:30

منه البيع بضمن حاضر اقل. وفي نهاية الاجل يدفع المشتري الثمن الاول كأن يبيع ارضا بخمسين الف يدفعها بعد سنة. ثم البائع منهم اربعين الف نقدا. ويبقى في زمنه الخمسون الفا يدفعها المشتري على رأس السنة. ايه الكلام ده؟ بايع العين ده لما - 00:22:50
تعرف مشكلته ايه؟ هتفهم المسألة. هو تحايل على الربا. تحايل على الربا. انا لما اعوز اعرابي دلوقتي عايز انا استلف منك وانت مش راضي تسلفني الا انا عايز استلف اربعين الف جنيه منك. فانت قلت لي الاربعين بخمسين. قلت لك لا ده حرام ده يبقى. فاحنا عايزين نعمل حيلة - 00:23:10

تخليه تخليها شكلها بيع. وفي نفس الوقت نوصل للي احنا عايزينه. هعمل ايه انا؟ انت عندك سلعة انا دلوقتي اللي عايز استلف. انا عايز استلف منك. اربعين الف جنيه. وانت مش - 00:23:30

عايز تتسلفني الا لما تاخذ قصادهم خمسين الف. وقلت لك خلاص. بيع لي عربيتك. بيعني عربيتك. او انت انت هتقول لي بيع لي عربيتك. انت هتقول لي بيع لي عربيتك. انا عندي عربية دلوقتي - 00:23:50
فانا هاقول لك هابيعها لك باربعين الف جنيه. هتقول لي خد اربعين الف جنيه واحنا واقفين عادي. اقول لك دعها لي تاني. هتقول لي ابيعها لك بكم؟ هاقول لك هاشتريها منك بخمسين الف جنيه اسم - 00:24:10

كده الشكل ايه؟ الشكل حلو. بس احنا عملنا اللي احنا عايزينه برضو. انا خدت منك اربعين كاش هرجع لك خمسين ايه؟ قسط. فانت يعني ايه العينة؟ زي تاني. انا دلوقتي عايز استلف منك اربعين الف جنيه كاش وارجعهم لك خمسين الف جنيه بعد - 00:24:30
اتفضل. فاحنا مش عايزين نبقي ربا. فتحايلنا رحت انت قلت لي طيب. آآ انت عندك في البيت سفرة. ماشي هشتري منك السفرة دي باربعين الف جنيه. قلت لك مش هات الاربعين الف جنيه. خد السفرة. بعد شوية - 00:24:50

سواء واحنا قاعدين او روحنا وجينا مش مشكلة هي الحيلة باينة يعني. قلت لك معلش عايز اشتري السفرة منك تاني. قلت لي لا هابيعها لك قسط بخمسين الف جنيه. قلت لك ماشي - 00:25:10

فخدت منك سفرة وما ادتكش حاجة. يبقى انا كده مسكت كم دلوقتي؟ اربعين الف جنيه في ايدي. وهرجع لك بعدين خمسين الف. دي اسمها العينة ده تحايل على الربا. السلع. السلعة زي ما هي. هو يقال ان هو اتسمى العيلة لان العين رجعت ليه؟ صاحبها - 00:25:20

وقيل سمي العينة لان الايه؟ الشخص حصل على العين التي يريد اللي هو الفلوس في الآخر. خد الايه قد ما كان يريد الحيلة دي كلها عشان ياخذ عين الفلوس فخدتها في الآخر. مش مشكلة اتسمى كده ليه؟ لكن هو ده التحايل على الروا. النبي عليه الصلاة والسلام - 00:25:40

احزر منه تحزيرا شديدا. قال اذا تبايعتم بالعينة واخذتم اذنان البقر وتركتم الجهاد في سبيل الله سلط الله عليكم ذلا لا يرفعه حتى

ترجعوا الى دينكم. شف ده العين اللي هو التحايل علينا. بالك بقى لو تبايعنا بالربا الصريح المباشر - 00:26:00

عيانا بيانا بدون اي يعني حياء اصلا. ماذا يفعل بالامة؟ لا شك ان هو يعني فاذنوا بحرب من الله ورسوله تمام. طيب نفترض بقى مسألة ثانية. انا محتاج فلوس. محتاج امسك في ايدي كاش. اربعين - 00:26:20

الف جنيه. فجيت عملت حاجة بسيطة. رحت المحل اشتريت منه عربية مسلا. باربعين الف جنيه بس انا اشتريتها منه قلت له هاخذها منك قسط. مش هاخذها منك ايه؟ كاش اشتريها منك بخمسين الف جنيه قسط على سنة على سنتين زي ما نتفق. خدت

العربية رحت بعثتها لواحد ثاني - 00:26:50

خالص ما لوش دعوة بالقصة دي ولا عارف القصة الاولانية. باعتها له كاش باربعين الف جنيه. عشان امسك في ايدي انا محتاج دلوقتي امسك الف جنيه. فعملت الموضوع ده عشان امسك فلوس. بس دول بيعتين ما لهمش دعوة به ببعض خالص. ده بيسموه

ايه؟ بيحرق بيحرق - 00:27:20

احرق السلع عشان عشان يمك فلوس. وبعد كده مش مشكلة الناس تيجي بعدين. فهل البيعة دي تصح؟ هذه البيعة تصح. لان ليس

فيها ما فيش تواطؤ بين البائع والمشتري على الربا. ده مشتري وده مشتري ثاني. ده بائع وده بائع ثاني. دولا باعتين - 00:27:40

فلتين. لان الشخص محتاج فلوس عمل كده. بس ديت مش ربا. لان دول بيعتين وبعيتين حقيقيتين مش مش ايه مش بيعة مش بيعة

خادعة زي اللي حصلت لا بعنا ولا اشترينا احنا بنشتغل بعض. لكن دول باعتين بجد. ده بيعة حقيقية وواحد - 00:28:00

فيها وده بيعها اي واحد ثاني كسب فيها. ففي الحالة دي تصح. فاللي محتاج يعمل حركة زي دي ده المخرج الوحيد له. لكن يتواطأ مع

البائع ويعملوا الحركة دي درايع العين. لان ده يفتح باب الربا. هو ايه مشكلة الربا يا جماعة؟ الربا يقتل السوق. لان - 00:28:20

ان الربا معناه الفلوس تجيب فلوس بدون عمليات سوقية. من غير ما يبقى فيه تداول. ولو التداول وقع في السوق السوق ايه؟ يموت

ويحصل خسارة على مستوى الياه؟ المجتمع كله. فالفلوس بتجيب فلوس فالناس تشتغل ليه؟ تباع ليه؟ تشتري ليه - 00:28:40

السوق كله ايه؟ يموت. لكن انا في الحالة اللي عملتها دي انا موت السوق كده بالعكس ده انا عملت بيعتين بعيتين يعني السوق شغال

في الظاهر السوق شغال انا بقى استفتدت ده موضوع ثاني. بس انا ما عملتش الياه العلة اللي تجعل الياه؟ تجعل هناك ضرر على الياه؟

على المجتمع زي الربا. الربا - 00:29:00

ويدمر الاقتصاد. لكن اللي انا عملته ده ما يأسررش على الياه؟ وما فيهبوش ما فيهبوش ربا اصلا. لكن بعض العلماء كاره ذلك. اقصى

حاجة في اقوال العلماء كرهوا ذلك. خافوا ان الموضوع بعد كده يبقى ايه؟ يبقى فيه تواطؤ وكده. لكن لو كان بدون تواطؤ بدون اي

شيء ودي بيعة مستقلة بيعة مستقلة يجوز - 00:29:20

بيسموه بيسموه المسألة دي بيسموها التورق. التورق يعني ايه التورق؟ من الورق الورق اللي هو ايه؟ الفضة. يعني ايه التورق؟ يعني

عايز واحد عايز في فلوس يعني. تورك. يعني واحد عايز يجيب ايه؟ عايز يجيب فلوس. فعمل الحركة دي عشان يمك يمك

فلوس. ينفع يعمل كده؟ ينفع يعمل كده - 00:29:40

بعض الناس بتعمل كده. بيشتري سلعة على الكاش وبيبعها بالتقسيط. اه او العكس يعني يشتري لها تقسيط وبيبعها كاش فايه خلاص

كده؟ بيقول بيع المبيع قبل قبضه. حلويا مصطفى. بيقول مثاله ان يشتري سلعة - 00:30:00

من شخص ثم يبيعها قبل ان يقبضها ويحوزها. يعني ايه واحد اختاري حاجة بس لسة ما استلمهاش. قبل ما يستلمها باعها. ينفع؟

يحرم ذلك. ليه ارجع بقى للايه؟ للعلة الاصلية. تقول لي طب دي في ايه الراجل اشتراها وبيبيعها يعني خوفا من فساد ذات البين -

00:30:20

قولي ليه فساد ذات البين دلوقتي المشتري الثاني دلوقتي انا دلوقتي اشتريت حاجة لسه في مكانها مستلمتهاش وجه بعثتها جه بقى

لباعة الثاني ده اللي هو اشتراها مني راح يستلمها لقي فيها مشكلة. يرجع لمين؟ يرجع للي باعله هيقلول له انا ما استلمتهاش -

00:30:50

يرجع للبائع الاصيل هيقلول له انا بعثتها. يتفرغ دمه بقى بين الياه؟ بين البائعين. ويحصل مشكلة ما بين الثلاثة. ويحصل خلاف

ومشكلة بقى. وشف بقى مين مين يجيب حق مين. ما خلاص كده ما انا بعت لك. ما استلمتش ليه؟ والتاني هيقول له طب ما انا ما استلمتش. طب ما استلمتش وخش بقى في ايه؟ في مين - [00:31:10](#)

مين بقى مين اللي اه يحصل فساد بين المسلمين واللي اتزلم الاخلاقي ده هيقولوا له بقى معلش انت بقى خدها انت بقى ما لناش دعوة بك. طب وبعدين؟ فلذلك لازم يبقى فيه - [00:31:30](#)

فيه ضمان يعني ايه ضمان؟ يعني طالما فيه سلعة يبقى فيه ضامن اعرف اتعامل معه. ما تتعاملش مع اتنين. اتعامل مع واحد. يبقى لازم السلعة لما تتباع البيعة هي تخرج من ضمان البائع تماما. وتنتقل الى ضمان المشتري الاول. والبائع الاول ينفصل تماما عنها - [00:31:40](#)

ما ليش دعوة بها خلاص انت استلمتها. سم لما يبيعه الباقي المشتري الاولاني ده للمشتري الثاني يبقى خلاص ينقل ضمانها وهكذا ما ينفعش يبقى السلعة اتضاع وتشتت وهي ما زالت في ضمان اتنين. واحد عنده وواحد اشتراها. ده يفسد ايه؟ يفسد ما بين المسلمين. فلذلك لا يجوز ان يبيع - [00:32:00](#)

قبل ان يقبضوا يستلموا قبل ان يقبضوا ويستلموا. نهى النبي صلى الله عليه وسلم عن ذلك. قال نهى ان تباع السلع حيس تو بتاع يعني كان كان مسلا زمان كانوا يعملوا يجي الابل مسلا عليها الايه؟ عليها السلعة. فيشتري السلعة وهي على الجمل. يشتريها - [00:32:20](#)

من صاحب السلعة نفسيا. وهو واقف يبيعه. وييجي البائع المشتري الثاني ياخذها من على الجمل نهى عن ذلك. لأ. ما ينفعش تباع وهي في مكانها. لازم مطلعة وتشوفها وتستلمها وتتمام التمام وبعد كده معها. عشان ما يحصلش ليه الفساد. واخذ بالك؟ حتى يحوزها التجار - [00:32:40](#)

الى رحالهم لغاية ما تاخذها تاجر ياخذها ويحطها عنده. تبقى عندك خلاص انفصلت عن الباع الايه؟ الاولاني. في الحديث من ابتاع طعام فلا يبعه حتى يقبضه حتى يقبضه. طب ايه هو القبض ده يعني؟ ما هو القبض؟ العلماء يقولوا القبض - [00:33:00](#)
حسب العرف. يعني ايه حسب العرف؟ ما هو قبض مثلا الطعام؟ ان تحوزه يبقى معك يعني. ده قبض الطعام. ما ما هو قبض آآ السيارة انك تدورها تطلع بها برة الاجنسون تمشي بها شوية خلاص انت كده ايه قبضت السيارة. ما هو - [00:33:20](#)

فقد البهيمة اشترت بهيمة انك تمسكها تمشي بها كده. تبعد بها عن الايه؟ عن عن الحظيرة مسلا اللي هي كانت فيها من البيت عن المزرعة عن عن عن تاخذها وتطلع برة الباب وتمشي خلاص. كده انت ايه قبضتها. ما هو قبض المنزل؟ ان يخلي - [00:33:40](#)
بينك وبين المنزل. المشتري البائع يخلي بقى نديك المفتاح. خلاص انت معك طبلتك ومفتاحك. دخلت قعدت انت كده اسمك ايه؟ قبضت ليه؟ قبضت المنزل. ما هو المنزل هتقبضه ازاى على الحال؟ انت اللي بتخش تقعد جوة. فقبض كل شيء بيقوله بحسبه. يعني بحسب العرف فيه - [00:34:00](#)

لذلك دي بتدخلنا في المسألة اللي بتتسأل عليها دايمًا ينفع اشترى عن طريق البنك؟ مشكلة البنك الاساسية في الحقة دي البنك لا يقبض شيئا. انما يبيع ويشترى والسلعة في محلها. هي دي اكبر مشكلة في - [00:34:20](#)

البيع والشراء عن طريق البنوك. البنوك لا تقبض. هو بايه؟ براجل اقصى حاجة يعني. اقصى حاجة ده لو ما خلصش بالتليفون هيبعت مندوب وانتم قاعدين هيبع ويشترى. وانت قاعد. واحيانا بيبقى صيغة البيع والشراء في نفس العقد. يعني مش كمان مش ايه؟ مش - [00:34:40](#)

لا ده هو عقد واحد له اطراف ثلاثة وبيخلصوها فيه ممكن في عقد واحد يعني. وممكن البنك يقول لك رح خدها. هو لا يبيع اصلا ولا له دعوة بالدنيا. رح خدها. فانت بتروح تاخذها على اسمي ليه؟ على اسم البنك. فدي المشكلة. ان البنك في الحقيقة لا يقبض شيئا - [00:35:00](#)

فلذلك هو داخل في الايه؟ لا تبع ما ليس عندك. فلا يجوز بيع شيء قبل قبضه. والحل سهل يعني البنك لو عمل مكان كده غير اي سلعة عايز يشتريها يحطها فيه ويجي الثاني يشتريها منه خلصت. لكن البنوك لا تحب المخاطرة. البنك ما يحبش يخاطر ابدا - [00:35:20](#)

فلو حصل اصلا مشكلة هيدبسها في الايه؟ هيدبسها في البيع وخلص. البنك وضعي مش حدش هيعرف ياخذ حاجة من البنك. الفكرة يعني دي مشكلتي. فلو في بنك بيقبض ثم يسلم لا بأس. ممكن تروح بنك تشتري عليه ذلك. تقول له لا لازم اخدها منك هنا هوت. ما خدهاش من ما خدهاش مسلا - [00:35:40](#)

لازم انت تشتريها وانا او تقبضها وانا ايه وانا استلمها منك. لقيت الموضوع مش كده يبقى لا ينصح انك انت تتعامل مع البنك في الايه؟ في الموضوع دوت نفس الايه نفس المشكلة دي في بيقول فلا يجوز لمن اشترى شيئا ان يبيعه حتى يقبضه قبضا تاما. بيقول بيع - [00:36:00](#)

قبل بدو صلاحها. يعني ايه الثمار قبل بدو صلاحها؟ يعني واحد عنده ارض وشجر وطلعت عنب طلعت تفاح طلعت هات اي حاجة. عايز يبيع. امتي من حقه يبيع الثمرة؟ اذا بدا صلاحها - [00:36:20](#)

طبعا دلوقتي انت عارف تطلع خضرا كده يابسة تعرفش هتقف على كده ولا هتكمل لكن لما تبتي تصفر تحمر كده ايه تتلون تتملئ فيه عرفت خلاص ان دي حاجتين هتكمل يعني. لكن طول ما هي خضراء ويافسة انا ما اضمنش ان هي ايه تكمل. ما ينفعش حد - [00:36:40](#)

في بيع الارض او السمرة على اعتبار ما سيكون. والله انت شايفها ان شاء الله هتبقى حلوة. فيشتري على ايه؟ ما هو هو اشتريها عشان عشان هاخدها حلوة بعد كده. فوضعها له على اعتبار من سيكون؟ قال له ان شاء الله هتبقى حلوة وكلهم ما شاء الله وبتاع. فينفع يبيعها له على الوضع ده؟ ما ينفعش - [00:37:00](#)

ليه؟ زي ما قلنا لي يحتمل الضرر والغرر والجهالة ممكن يجي صاحبنا يستنى نصها بس اللي يصفر. نصها بس اللي يطلع والباقي ما خلاص يجي يرجع علي يقول لي انا بعث لك. يجي يقول لي انا انت ما اتفقناش على كده يقول لي ربنا بقى نعمل ايه بقى صح؟ قدر بقى وبعدين بقى انت تسيبها كده ما تسيبهاش للزروف - [00:37:20](#)

لا ما ينفعش تباع قبل ان يبدأ الايه يبدأ السمر يبدو صالحا. يعني بيتدي تبتي الثمار تصفر تحمر تبتي ده بيبتي بقى في مائة باينة كده يعني ايه بدأت الدنيا تبان مش لازم يكتمل صلاحه يبدو صالحه بس. ما هو لو بدأ خلاص هيكمل يعني. وابتدي - [00:37:40](#)

جهالة ايه؟ تقل تقل كثير يعني. احنا مش هنوصل لليقين بس الجهالة قلت جدا. في الايه؟ في الباب دوت. فممكن نلحقه في الحالة دي يبيعها ايه؟ يبيعها آا يبيعها قالوا الا في حالة حالة معينة. ايه هي الحالة دي؟ واحد عايز يشتريها كده. ليه؟ مسلا - [00:38:00](#)

انا عايز هو مش عايز يشتريها باعتبار ما سيكون. هياخدها كده بتمنها على وضعها كده. لان هو هيقصها دلوقتي هو عايز ياخدها يعملها اكل مواشي مسلا. مش هياكلها هو. فايه اللي يخليه يستناها تخلص؟ يقول له انا عايزها كده. والتاني رضي. قال له انا قال له بس بشرط - [00:38:20](#)

والصاد الوقت وما ينفعش يخدعه يقول له انا عايزها كده يروح بها له بتمن نص تمانية عشان هي كده تصحبني يقعد يتدلع اسبوعين ثلاثة شهر لغاية ما بانت يروح لاممها - [00:38:40](#)

وكسب ده خداع طبعا لا يجوز لكن يشترط ان هو ايه؟ يقصها يقصها ايه؟ حالا. فينفع يبيعها قبل بدوء الصلاح اذا كان المشتري عايزها كده زي ما قلت لك كده هيستعملها في صناعة ما هيستعملها اكل اكل مواشي مش مشكلة هو حر. لكن يبيعها على البيع يبيعها له على اساس - [00:38:50](#)

هيكون ان هي هتبقى ثمرة جميلة. بلاش ضامن ان هي تبقى ثمرة جميلة. فبيقول وكمان مش مسألة بس ان هي تكبر وما تكبرش. ما هي مسألة تانية ان هي ممكن تأتيتها - [00:39:10](#)

يعني ايه جائحة يعني؟ ريح باردة مدمرة البتاع. افة كلت الزرع كله. لكن لو الدنيا الثمرة لما بيبو صالحها حتى لو الالف معلش ما تعرفش تدمرها يعني. لكن لو هي لسه في الاول خلاص انتهت. عشان كده بيقول خوفا من تلفها او حدوس عيب بها قبل اخدها - [00:39:20](#)

قال عليه الصلاة والسلام ارايت ان منع الله الثمرة. وبعدين لو ما طلعتش يعني اعمل ايه؟ بما يأخذ احكم مال اخيه؟ عن ابن عمر

رضي الله عنهما قال لها الرسول صلى الله عليه وسلم عن بيع الثمار حتى يبدو صلاحها. نهى البائع والمبتاع. يعرف بدو الصلاح
باجمرار ثمار النخيل - [00:39:40](#)

او اصفرء او اصفرارها. وفي العنب ان يسود وتبدو الحلاوة فيه وفي الحب ان يشتد الحبة تشد كده. ونحو ذلك بقية السمار. نمرة
تمانية النجس بسكون الجيم النجج. وهو ان يزيد شخص في - [00:40:00](#)
السلعة المعروضة للبيع ولا يريد شرائها. وانما لي ايه؟ ليغر غيره بها. ويرغبه فيها ويرفع سعرها. نهى رسول صلى الله عليه وسلم عن
النجس. زي المزاج يعني واحد في مزاد والراجل ايه بيقول لا كل واحد يقول سعر فقاعد قال عشرة قال لي انا اتناشر تلتناشر في
واحد - [00:40:20](#)

واحد بقى قاعد قاعد يزود وخلص هو مش عايز يشتريها. بس هو عايز يغلي تمنها وخلص. او عايز بيان ان السلعة دي مرغوب فيها
اوي وحلوة اوي لدرجة الناس هتموت عليها. فده لا يجوز. سواء بالاتفاق مع البائع او بعدم الاتفاق. يعني لو الاتفاق مع البائع يبقى
اللاتنين يأتوا. لو بغير - [00:40:40](#)

ضخم على البيئة فهو يبضر المشتري يعني بغض النزر البياح واحد جه يعمل واجب مع البياح من غير ما يتفق معه قال لك صاحبي
رح اعمل معه واجب فزود بتاع واكسبه. كده كده هو ما اتفقش مع - [00:41:00](#)
معي ما فيش حد لا لا يجوز لان ده ضرر على المشتري وهي ما تستاهلش كل التمن دوت. فده اللي ايه؟ اللي هي مزايده بلا بلا سبب.
المسألة السابعة الاقالة في البيان. احنا خدناها قبل كده ديت اللي هي المخرج الوحيد لو واحد زي ما قلنا قبل كده احنا عندنا واحد
اشترى سلعة - [00:41:10](#)

عنده وهو قاعد في المجلس عنده خيار الايه؟ المجلس. ممكن ده الحل يرجعها لو هو لسه في المجلس. طب هو ماشي وبرضه عنده
احتمال يرجعها. عنده ممكن يعمل ايه يعمل خيار الشط. يقول له طب آا يبقى بيني وبينك خيار شرط ثلاث ايام مسلا او كده. ولو كده
هنرجعها. يقول له ماشي. فلو في الثلاث ايام دول نرجعها زي ما هي سليمة - [00:41:30](#)
يلزم البياح ان هو ايه؟ يرجعها. طب افرض بقى عندي خيار المجلس وعدى خيار الشرط. صاحبنا برضو الندم ان هو اشترى السلعة او
البياح ندم ان هو باعها. ايه الحل بقى - [00:41:50](#)

ما فيش حل ملزم. فاضل ايه؟ حل مستحل يرغب فيه الشرع. اللي هو الاقالة. يعني الرأي الشرعي يرغبك ان لو حد من الندم وراح
لتاني قال له معلش انا اصل انا ما كنتش عايزها وانا اتسرت في حاجة تانية اولى وانا محتاج الفلوس لو حصل لي مشكلة وابني
عايز وحصل لي مشكلة في البيت تقف - [00:42:00](#)

عايز ارجعها اي حاجة. هنا يرغب الشرع الشخصي في ان هو يرجع الايه الحاجة دي. بيسموها الاقالة. لكن هل هي ملزمة؟ ليست
ملزمة. لذلك لانها ليست ملزمة. الشرع جعل اجر كبير. قال عليه الصلاة والسلام من اقال مسلما بيعته اقال الله عثرته يوم القيامة.
يبقى انت تيجي قدام ربنا سبحانه وتعالى - [00:42:20](#)

معنا يوم القيامة حصل لك مشكلة كبيرة. تلاقى ربنا تجاوز عنك فيها. ليه؟ يقول لك ده بسبب انك انت ايه رجعت بيعة بس لواحد
صاحبك كان زعلان يوم ما وانت قلت له يا عم روح الله يسهل لك خلاص مش مشكلة انا ارجعها. فربنا يسهل لك انت بقى مش سهل
له هو سبحانه الله. فديت ايه يعني رحمة من ربنا وده يخلي - [00:42:40](#)

انسان يعني يكون لين في الايه رحم الله آا رجلا سمحا اذا باع سمحا. عشان كده باقول لك باب البيوع ده لا ينفصل ابدا عن المعاني
الايمانية ولا ينفصل عن علاقتك بالله وحبك لله وعن الايمان وعن الاخوة وعن العقيدة كلها حاجات متداخلة. يعني - [00:43:00](#)
ان موقفك يوم القيامة له علاقة قوية جدا بالبيع والشرء. ويل للمطففين الذين اذا اكلوا على الناس يستوفون. اذا كالوهم اوزنهم
يخسرون. الا يظنوا لا كأنهم مبعوثون ليوم عظيم يوم يقوم الناس الحاجات داخلة لبعض. فانا لما يجي واحد يقول لي عايز ارجع
السلعة دي بفكر في يوم القيامة. ده انا عندي - [00:43:20](#)

اوي. يا عم خد يا عم مش مشكلة واحتسب ان هيبقى عندي بلوى يوم القيامة هتعتدي بسبب الموقف دوت. فخد بقى على كده ان انت

البيع والشراء نفسه سبب للتراحم. من غير ان احنا بنكسب. طب ما احنا بنكسب. لا ده غير المكسب ربنا يدريك اجر. طب ما انا كسبت وكسبت مكسب دنيوي لك اجر برضو. طب على ايه؟ ما انا ما عملتش حاجة - [00:43:40](#)

ده انت كنت سبج. لين. لين في البيع والشراء. كلمتين ورد غطاهم. ماشي؟ اه لا خلاص وماشييين مبسوطيين وبنضحك وراضيين وبنحب بعض مش معركة هي مش خناقة مش بغض وشحناء مش البيع بيقلب بايه؟ بمفسدة بينا ومش طايقين بعض. ايه ده -

[00:44:00](#)

رحم الله رجلا سمحا اذا باع سمحا اذا اشترى سمحا اذا قضى سمحا اذا اخطأ. بيقول المسألة الثامنة عقد المرافحة. يعني ايه المرافح ايه الفرق بينها وبين بين البيع والشراء؟ في الغالب البيع لما انت بتروح تشتري سلعة آآ البياع بيقول لك سعر السوق وخلاص انت مش

عارف - [00:44:20](#)

هو كسبان كم؟ انت ما تعرفش هو كسبان كم وانت هي ماشية بالسوق وخلاص. وكل واحد وشطارته يعني. من غير الخداع يعني. لكن باقي المرافحة بتبقى انت عارف السلعة بكام وهو كسبان منك كم. يبقى الفكرة في ايه؟ الفكرة ان انت متفق معه اصلا. يعني هي

السلعة بميت جنيه - [00:44:40](#)

من الحطة الفلانية. فانت قلت له انا هشتريها لك وابيعها لك بمية وعشرة. ده اسمه بيع الايه؟ قال ما روجه. هل يصح؟ يصح اتفاق

عادي. انا هاجيبها لك وانت تيجي تشتريها مني بمية وعشرة. انا عارف ان هي من المكان ده بمية. ولو عايزة اروح - [00:45:00](#)

بس انا راضي كده. راضي ان حد يجيبها لي ويكسب. مرابحة عادي. وانا قادر اروح اجيبها من مصدرها بمية بس في ناس بيستريحوا كده ماشي هاتها لي انت وتكسب يا عم يلا واكسب اديك ريحتني وانت برضه تسترزق في ناس عادي ما عندهاش مشكلة في

الموضوع ده - [00:45:20](#)

فده لا بأس عشان كده بيقول بيع السلع بثمانها المعلوم بين المتعاقدين بريح معلوم بينهم. يعني الاتنين عارفين سعرها الاصلي كم والاتنين عارفين انت كسب مني كم. ما فيش مشكلة. ده اسمه ايه؟ مرابح. مراوح. يقول صاحب السلعة رأس ما لي فيها مائة ريال -

[00:45:40](#)

ابيعك اياها بالمئة وريح عشرة رياللات. انا شاربيها بمية. وانت عارف شاربيها بمية. ومن المكان الفلاني. وهاجي اعالج مية وعشرة عادي. لا بأس فالبيع على هذه الصورة صحيح. واذا علم البيع والمشتري مقدار الثمن ومقدار الربح. لان هي داخله في عموم البيع احل الله

البيع. وقوله تعالى الا ان تكون تجارة عن - [00:46:00](#)

منكم فاشخداع ما ييقاش عشان ما يجيش لواحد وسواس يقول لك طب ما هي بمية. ما انا كده معي بمية وعشرة انا خدعته. لأ ما

انت قابل له وهو راضي يعني - [00:46:20](#)

ما فيش حاجة يعني. يعني زي ما نقول كده هي سعرها في السوق مية. انا دلوقتي ببيعها اعلى من سعر السوق بفرق كبير بس هي كده هي دي المرافحة كده. فرق عن سعر السوق. لان انا رحت جبتها لك وكده وانت فاهم وعارف وراضي. فيقولوا المرافحة بين -

[00:46:30](#)

في رضا المتعاقدين. والحاجة بس الى جوازه. مش كل واحد يقدر يروح يجيب السلعة من مكانها. وفي ناس مش عايزة تنزل من

البيت اصلا. يعني ما يعني ايه العملية في ناس ما تحبش تروح - [00:46:50](#)

سوق اسرع ولا يروح يقول لك اكسب اي حاجة بس ما لا اروح ولا اجي. هاتها لي يا عم انت اللي انت عايزه. فيه ناس ما بتحبش

تتحرك عادي - [00:47:00](#)

الاسواق. الحاجة ماسة الى جواز. طبعا ده الكلام ده احنا بنتكلم في خمسة جنيه. لا التحاجات دي بتم على مستويات ضخمة جدا.

شركات ومؤسسات هي هي العملية مش كده يعني انت مش كل حاجة مش رايحين نجيب كل يوم آآ طماطم وخيار في في عمليات

ضخمة بتتم بالمرابحة ما هي ما لهاش حل غير كده - [00:47:10](#)

شركات ضخمة شركات انترناشونال شركات عملاقة مش ممكن الشركة تعمل كل حاجة بنفسها. بيبقى لها بيسموهم ايه؟ شركات من

فاطن بتشتري لها خلاص هو بيشتري له ويبيع له خلاص هو الدنيا ماشية ماشية كده. مش ممكن الشركة تدير كل العمليات الجزئية دي ولا يبقى ارهاق على الشركة - [00:47:30](#)

فهي الدنيا بتمشي كده عشان كده بيقول والحاجة ماسة الى جوازها يعني فكر دايم في ايه في وسع دماغك ايه اخرج عن دائرة الايه؟ البنطلونات والقمصان اللي احنا عايشين فيها دي - [00:47:50](#)

بيقول لان بعض الناس لا يحسن الشراء ابتداء ده مسألة ثانية. فيعتمد على غيره في الشراء. بيقول له والله انت برضه انا انا ضامنك انت هتجيبها لي؟ وخذ بالك؟ ما هو ضامن هيجيب - [00:48:00](#)

في حاجة كويسة ما هي بمية في السوق. بلاش ضامني اروح اجيب ما يتضحكش علي. هيدوها لي بمية بس هيديني حاجة ايه؟ حاجة ما تساوي تسعين حاجة تساوي تمانين حاجة بايزة حاجة مش كويسة - [00:48:10](#)

كان في واحد شاطر هيجيبها لي. واحد نجارة. قلت له رح هات لي اوضة النوم دي من من محل. ان شاء الله المحل تحت البيت حتى. تسع تلاف هيطلعها لي - [00:48:20](#)

بتسعة ونص مش مشكلة بس انا ضامن ان هو هيختار لي ايه؟ حاجة كويسة. مش لازم يكون مسافة بعيدة ولا تعب ولا اي حاجة. عادي. انا متفق على كده. بس انا يعني - [00:48:30](#)

التمن اللي دفعته ايه؟ خبرته. ان هو يجيب لي حاجة حلوة. انا ما بعرفش اشتري. هو هو احنا بنعرف نشترى كل حاجة؟ فالمرابحة مهمة. ويزيد ربحا محددا مع الوقت تمام؟ بيقول المسألة التاسعة البيع بالتفصيل. هو بيع السلع الى اجل محدد يقصد فيه الثمن

اقساطا متعددة - [00:48:40](#)

كل قسط له اجل. معلوم يدفعه المشتري. مثال ان تكون عند البائع السيارة قيمتها نقدا اربعون الف ريال. مؤجلة ستون الف فنتفق مع المشتري على ان يسددوا المبلغ على اتناشر قسط يدفع في نهاية كل شهر خمس تلاف ريال. حكم الجواز عن عائشة رضي الله عنها -

[00:49:00](#)

فقال اشترى رسول الله صلى الله عليه وسلم من يهودي طعاما بلا سيئة. يعني بالاجل. ورأى انه درعا له من حديد وده حل في البيع الاسم. مش ضامني ان انت تسدد. ممكن اشترط عليك ايه؟ رهن. انت عندك مسلا ايه حاجة ذهب حاجة بتاع حاجة غالية -

[00:49:20](#)

بقول لك ايه؟ خليها عندي لغاية ما تخلص اقساطك وبعد كده اديها لك. رن عادي. والبيع بهزه الطريقة فيه فائدة لكل من البائع والمشتري فان البائع يزيد في مبيعاته الدنيا بتمشي ان لو اتباعت كل حاجة تشرط ان هي تكون كاش مش هيبيع. الناس مش كلها

تقدر تشتري كرش فبيزود مبيعاته بالتقسيت. هو عامل - [00:49:40](#)

ارض ان فيه كاش وفيه تقسيط فالدنيا بتمشي يعني. اللي بيشتري كاش بيشتري اللي ما يقدرش يقول له طب تقسيط طب على سنة طب على سنة طب ثلاثة لغاية ما يبيع فيزود مبيعاته. يعدد من اساليب - [00:50:00](#)

تسويق البضاعة يقول والله عندي عروض في عرض خمس سنين عرض ثلاث سنين كما ان المشتري يحصل على السلعة. وطبعا الباعي بيستفيد الزيادة ديت مقابل الاجل آآ ويسدد سمنها في بعض اقساطها. طيب آآ شروط صحة بيع التقسيط. اول شرط ان تكون

السلعة بحوزة البائع زي ما اتفقنا - [00:50:10](#)

وتحت تصرفه عند العقد. فلا يجوز لهما الاتفاق على ثمنها وتحديد مواعيد السداد والاقساط. سم بعد ذلك لكي اشتريها البائع ويسلمها للمشتري فان هذا محرم. لقوله صلى الله عليه وسلم لا اتابع ما ليس عندك. اللي هو ايه مسلا واحد بتحصل احيانا مسلا آآ - [00:50:30](#)

واحد عايز يشتري سلعة فيروح لواحد معه فلوس يعني. فيقول له تشتريها لي واشتريها انا منك ايه؟ قسط. فيقول له تمام ويتفقوا تعالوا خلاص بعد كده يروح ايه؟ يروح يشتري. هذا لا يجوز. طب ازاى تصح المعاملة دي؟ تصح على سبيل الوعد فقط. والوعد -

[00:50:50](#)

قاعدة غير ملزم لاي طرف. وعد. يعني ايه يقول له اشتريها لي مسلا؟ يعني لو راح اشتراها. والتاني قال له انا مش عايزها ما يقدرش

يعمل له حاجة. فهي مش هتمشي غير بالايه؟ بالثقة بس. لان ما ينفعش انسان يبيع الحاجة مش عنده. طب - [00:51:10](#)
تمشي ازاي حاجة زي كده؟ بالثقة يعني. تقول والله اشتريها وانا هستريها منك يا عم. بس مش ملزم. ولا يقدرُوا يعملُوا عقد. ولا يقدر
يدي له عربون ولا يقدر يدي له تمناها. ما فيش حاجة ملزمة لغاية ما تشتريها وتحوزها. ساعتها تشتريها منك. فطبعا المعاملة دي هتتم
بين الناس اللي واسقين في بعض بس - [00:51:30](#)

مش واسقين في بعض مش هتقدر تعمل ايه معاملة زي ديت. لكن ما ينفعش تتفق معي اتفاق اتفاق بيوع. ملزم ما خلاص واتفقنا على
الاقساط والسداد وبدأت ادي لك في فلوس انت لسه ما اشتريتش حاجة. لكن ينفع واحد يشتري الحاجة دي بس يبقى مجرد عشم كده
بالوعد والثقة كوعد غير ملزم لاي طرف له طرف - [00:51:50](#)

الراجل ده اشتراه والراجل اللي قال له اشتريه منك ما قدرش يشتريها لسانه ما لا يلوم عليه. مش هيقدر ايه؟ مش هيقدر يلزمه ان
هو يشتريها. فهي تتم كده بالايه؟ بمجرد السقة - [00:52:10](#)

عشان كده لو حد عمل حاجة زي كده يبقى ايه يبقى يعمل ايه عشان يبقى ما ما يحصل ضرر عليه يعمل خيار شرط. يعمل
خيار شرطي ما عليه مع البيع اللي هو اشترى منه. انا جيت لك وانت معك فلوس فقلت لك تشتري لي السلعة دي - [00:52:20](#)
طلع منك انت بايه؟ بكزا. قسط. فانت رحت اشتريتها لي. ايش ضامنك ان انا اشتريها منك؟ ممكن ما اشتريهاش منك؟ ما احنا قلنا ده
وعد غير ملزم. طب ايه اللي يضمنك ان انت ما تتدبشش - [00:52:40](#)

اعمل خيار شرط مع الايه مع البيع الاصلي. قل له مسلا خيار شهر ثلاث ايام. لغاية ما تتأكد ان صاحبنا ده اشتراها منك. ما اشتريهاش
منك هترجعه وده حل يعني. ما هي دي اصل في حاجات ناس كتير عايشين على عايشين كده يعني. فالحل خيار الشرط عشان ما
يتدبشش. لكن ما ما يعملش عقد ملزم مع ايه؟ مع - [00:52:50](#)

بيقول لا يجوز الزام المشتري عند العقد او فيما بعد بدفع مبلغ زائد على ما اتفق عليه عند العقد في حال تأخره عن دفع الاقساط
لانزال الكاربة محرم. خد بالك هو الراجل دلوقتي عامل كزا عرض قال لك كاش باربعين الف. على سنة من الاول كده على سنة
بخمسين على سنتين بستين - [00:53:10](#)

متفقين انت بتختار عقد واحد فقط. اصلا مين السور التي لا تجوز؟ ان انا مسلا اقول اشتريت منك. ونمشي من غير ما احدد ايه؟
اشتريت ايه فدوت جهالة. ما ينفعش ان لازم من شروط البيع اتفاق ان يكون الثمن معلوم. مش كده؟ عشان خدنا الموضوع ده. فانا
قلت له اشتريت منك وقال لي بعتك ومشيت - [00:53:30](#)

سينا وهو عنده كزا عرض ما اتفقناش كاش ولا قسط على سنة ولا سنتين ده لا يجوز. واذا اشتريت منه لابد ان كان عرضا واحدا. يا
ده يا ده يده. وما ينفعش ندخل الاثنين في بعض. ما ينفعش تقول لي على سنة ولو اتأخرت نخليها. لأ - [00:53:50](#)

ايه بقى؟ لان انا دلوقتي لو جيت اخرت عليك قسط. القسط ده بالنسبة لي ايه؟ دين دين علي لك. فلو تأخير الدين دوت. آآ اه جر
زيادة بقى ايه؟ ربا. بقى عبارة عن دين بسبب تأخير الدين - [00:54:10](#)

ادي الفلوس هو ده الربا. فلو تأخرت الاقساط فاتفقوا اذا تأخرت الاقساط ازيدك يبقى كده كأن علي دين وقال له لما اتأخر الدين علي
يبقى بكزا نزود الايه؟ نزود الفائدة. عشان كده من ايه؟ من بيسموها - [00:54:40](#)

فايدة التأخير او حتى هم البائعين بيسموها ايه؟ فائدة التأخير صريحة يعني. وده لا يجوز. تقول لي طب انا ليش طمني هنشوف
دلوقتي ايه اللي يضمننا بيقول يحرم على المشتري المليء. المشتريبة يحرم على المشتري المليء اللي هو المليء يعني ايه؟ يعني معه
فلوس يعني يقدر يسدد يعني. يحرم عليه المماطلة في - [00:55:00](#)

السادات ما حل من الاقساط. اخر حاجة بيقول لنا لا حق للبائع. الاحتفاظ بملكية المبيع بعد البيع. ولكن يجوز له ان يشترط على
المشتري رهن المبيع الدولي لضمان حقه في استيفاء الاقساط المؤجلة. خد بالك بقى انا دلوقتي ما انا بخاطر برضه انا ببيع دلوقتي
على اقساط مش ضامني الراجل اللي هيسدد - [00:55:20](#)

والله لو عندك حل من الثلاثة. اول حل اللي هو اضعف حل خالص. اضعف حل اللي هو الايه؟ الشهود. انك تجعل على البيعة دي احنا

قلنا الاشهاد مستحب لكن يتأكد في ايه؟ في حاجة زي كده ان احنا مش كاش اصلا. ده اقساط. فلان اجيب شهود وشهود مسلا ايه؟
يعني ليه يعني يبقى لهم الراجل ده يستحي منهم؟ فلو حصل - [00:55:40](#)
حاجة زي كده اجيب الشهود وممكن اروح ساعتها لايه؟ لقاضي او حاكم او او واجيب الشغل اهو الراجل ده عليه فلوس ويتصرف
بقي معه ده لو مليء طبعا. لكن لو معسر هتعمل ايه - [00:56:00](#)
ده الحل الاولاني. الحل الثاني تشتترط ضامن ده الحل الثاني وده الاولاني الشهود. ما عليه مع التوسيق. ده ايه؟ ده اضعف الايه؟
اضعف الضمانات. الضمان اللي بعد كده تشتترط عليه ضامن. يعني لو - [00:56:10](#)
ما قصدتش مين يقسط مكانك؟ فييجي الضامن يقول انا اضمن الشخص دوت. بمعنى يعني ايه ضامن؟ يعني لو هو ما سدش في
ميعاده تيجي لي اسدد لك. فده يزود السقة شوية. ايه اقوى حل بقى؟ الرحم. ده اقوى حل. حاجة معك - [00:56:30](#)
مش هتسد حاجة عنها. خلاص. واقوى رهن هو السلعة نفسها. عشان كده هو قال ما ينفعش البيع يمنع المشتري من التصرف في
السلع. هو اشتراها خلاص حتى لو ما ينفعش يقول له مش هديها لك الا لما تخلص الاقساط الا بصورة واحدة - [00:56:50](#)
يقول له خليها عندي رهن. لغاية ما تسدد ايه؟ كل اللي يسار. فبدل ما ياخذ منه رهن حاجة تانية خد السلعة نفسها كده تمام خالص
يعني ده اضمن حاجة. او لو الراجل محتاج السلعة يقول له طب ارهن لي حاجة تانية. حاجة قيمتها قريبة من قيمة السلعة بحيس ان
انا استوفي منها لو انت ايه عجزت ان انا - [00:57:10](#)
عليه الصلاة والسلام مات ودرعه مرهونة عند اليهودي بقى ما هو لازم كان ياخذ اهي اعلى حاجة ما بيهزرش خد رهن على طول طلع
على ايه على عين عصام طبعا - [00:57:30](#)
لا يجوز يعني احنا بنقول يجوز بس بقول لك اليهودي خد ايه؟ اقصى درجات الايه؟ اللي ممكن يستوصف بها من الايه؟ من العقل.
فيجوز الانسان يعني ممكن الاشهاد آآ العقد آآ الضمان الرهن دي كل دي تضمنه. لكن هو بقى يعمل عقوبة تأخير او ايه؟ او زيادة
بسبب تأخير الاقساط ده اللي ما ينفعش ايه - [00:57:40](#)
ما ينفعش ابداء في هذا القدر اقول قولي هذا واستغفر الله العظيم - [00:58:00](#)